



UNIVERSITÄTS-
BIBLIOTHEK
PADERBORN

Institutiones Canonicae Sive Ius Ecclesiasticum

Wiestner, Jacob

Monachii, 1706

VII. De Interdicto Ecclesiastico.

[urn:nbn:de:hbz:466:1-62649](https://nbn-resolving.org/urn:nbn:de:hbz:466:1-62649)

ductio suspensio ad malum usum potestatis vel juris, à quo est suspensus, & cooperatio in exercitio ipsi interdicto. Quæ etiam inductione & cooperatione, licet graviter peccent, excommunicationem tamen minorem aliãve pœnam Jure latam non incurrunt, *citt. Suarez, 3. d. n. 7. & Pirrhing n. 211.*

¶ 15. Suspensio cessat vel tollitur tribus modis. Primò, si ea absque ulla temporis determinatione, ac proinde tanquam censura propriè dicta ad frangendam contumaciam seu correctionem delinquentis lata sit, multùm refert, à quo sit lata; cùm ea, quæ lata est Jure, & ab isto Papæ absolutioni reservata non est, cessante contumaciã, per absolutionem ab ipsius suspensi Episcopo, aliõve Prælato jurisdictionem quasi Episcopalem obtinente, tolli possit, *s. Nuper 29. citt. Suarez Disp. 29. f. 2. n. 15.*

¶ 16. & Laiman n. 3. Ex privilegio ab ea fideles absolvere in foro Conscientiæ interno possunt Confessarii Societatis JESU & aliarum quarundam Religionum, ut idem advertit n. 4 & habetur Compend. Privileg. f. 7. V. Absolutio §. 1. Imò ex Felini in c. Ex literis 11. de Constitut. n. 36. & aliorum quorundam sententia, cessante contumaciã, cessat sine ulla absolutione: quã tamen opus esse, ex communi aliorum sensu docet *citt. Suarez Disp. 29. f. 2. n. 6.* Ab ea verò, quæ lata est ab homine, absolvere regulariter solus ejus author, successor & (validè, aliquando etiam licitè) superior potest, Palao *citt. disp. 4. p. 9. 2. n. 9.*

¶ 17. Secundò, lata pro determinato tempore v. g. triennio, vel donec impleatur aliqua conditio, v. g. restitutio, aut alia satisfactio exhibeatur, illò exactò, aut istã impletã, cessat sine omni alia relaxatione vel declaratione, Glossa in Clement. 1. V. Donec, de Decimis, Panormit. in c. 1. de Judiciis n. 6. Navarrus *Manual. cap. 27.*

n. 161. *citt. Suarez Disp. 29. f. 1. n. 1. & Laiman cap. 4. n. 1.* ante illud autem & hanc impletam tolli per viam dispensationis potest ab eo, à quo est inflicta; ac proinde Jure lata à Papa. Ea autem, quæ lata est ab homine, ab Episcopo aliõve Prælato, qui eam tulit, ipsiusque successore vel superiore: nisi suspensionis ab isto inflictæ tempus à Jure determinatum fuisset; hòc enim casu ante ejus temporis lapsum relaxari à solo Papa possit, *citt. Suarez n. 20. & Laiman n. 3.*

Tertio, suspensio in pœnam peccati **¶ 18,** jam præteriti à Jure vel ab homine lata in perpetuum sive, ut sine spe remissionis ordinariæ semper duret, relaxari, antiquò Decretalium Jure spectatò, à solò ejus auctore vel successore aut superiore, non ab inferiore potest, Panormit. in c. Si quorundam 2. de Solut. n. 5. *citt. Navarrus n. 162. Suarez n. 15. & Laiman n. 3.* Novissimò autem Jure Tridentini Episcopi absolvere à quacunq; suspensione Jure (& per sententiam generalem ab homine) latã possunt; dummodo ea sit orta ex delicto occulto, & ad forum contentiosum non deductò, *Sess. 24. cap. 6. de Reformat.*

ARTICULUS VII. De Interdicto Ecclesiastico.

SUMMARIUM.

119. Interdicti definitio.
120. Ejus differentia ab aliis Censuris,
121. Et à Cessatione à Divinis.
122. Divisio in Locale, Personale & Mixtum.
123. In Generale & Particulare.
124. Interdictum Civitatis afficit suburbia, capellas &c.

125. In

125. Interdictum Civitatis & Diocesis Ecclesiam Cathedrali.
126. Interdictum loci omnes non privilegiati,
127. Et in Populum latum civis & incolae omnes,
128. Jure non exempti, observare tenentur.
129. Ipsi tamen Ecclesia,
130. Et Cleri interdicti Religiosi & Ecclesia non tenentur.
131. I. Effectus interdicti totalis est privatio administrationis & receptionis Sacramentorum:
132. Exceptio tamen Baptismi,
133. Confirmatione,
134. Penitentia moribundis & peregrinis,
135. Et Eucharistia in mortis articulo administranda.
136. Aliquando etiam alia Sacramenta administrari possunt.
137. II. Privatio Divini officii publicè:
138. Non etiam privatim,
139. Et in festis solennioribus etiam publicè peragendi.
140. III. Privatio sepultura Ecclesiastica,
141. Nonnulli tamen casibus & personis concessa.
142. Violatio interdicti grave peccatum est:
143. Inducit Irregularitatem,
144. Non etiam ipso Jure suspensionem.
145. Pena laicorum, violentium interdictum:
146. Quod aliquando lapsu temporis vel implerione conditionis:
147. Aliquando Papa, Episcopi &c. relaxatione tollitur.
119. **I**nterdicti nomine latè Decretum quodcunque iudicis prohibitorium,

Rubrica & text. de Matrim. contra interdict. strictè & in sensu præsentis Rubrica accepti venit Censura Ecclesiastica, quæ omnium Divinorum officiorum, Sacramentorum quorundam & Sepultura Ecclesiastica participatio prohibetur, ut ex c. Non est 11. de Spons. & matr. & c. Quod in te 2. de Penit. remiss. cum Sylvestro V. Interdictum 1. n. 2. & Navarro Manual. cap. 27. n. 162. desumunt Covarruvias in c. Alma p. 2. §. 1. n. 2. Suarez de Censur. disp. 32. s. 1. n. 3. & Laiman. Lib. 1. Tract. 5. p. 4. cap. & n. 1. Unde secundum hos DD.

Interdictum ab aliis censuris differt; 120. quòd Sacramentis Ecclesiasticis divinisque officiis & sepultura Ecclesiastica non privet, quatenus quædam cum aliis fidelibus communicatio, sicut excommunicatio: neque etiam: neque, quatenus functiones quædam seu Ecclesiastica potestatis aut Juris exercitium sunt, sicut suspensio facit: sed, quatenus participationis per assistentiam & præsentiam & dispensationis rerum spiritualium rationem habent.

Interdictio affinis est Cessatio à divinis, quæ etiam Suspendio organorum Ecclesiastica vocatur: estque Mandatum Ecclesiasticum, quò clerici in loco aliquo abstinere jubentur ab officiis Divinis, in signum maximi, iustissimique doloris ac tristitiæ, conceptæ ob gravissimam injuriam sibi & honori divino illatam, ut ex c. Quamvis 8. de Offic. Ord. in. 6. & Clement. 1. pr. V. In cessationibus, hic desumunt laudati Sylvester n. 1. Navarrus n. 188. Suarez Disp. 39. s. 1. n. 3. & Laiman. cap. 6. n. 1. Ab interdictio tamen differt Primò; quòd non sit censura; cum non in poenam alicujus delicti: sed ad significandam Ecclesiæ tristitiam indicatur. Secundò; quòd non à Jure, sed semper ab homine

homine imponatur & immediatè afficiat locum : personas autem solum mediatè, & nullam unquam determinatè, contrà quàm solet interdictum ; hoc enim semper afficit unam vel plures determinatas personas, saltem eam, cujus causà est latum. Tertio ; quòd indictam à divinis cessationem temerè violans, licet graviter peccet, non contrahat irregularitatem : cui tamen obnoxius est temerarius violator interdicti. Quarto ; quòd privilegia concessa circa interdictum, v.g. ut clericus quotidie Missam & divinum officium celebrare valeat cum moderatione *c. fin. in 6.* non extendantur ad Cessationem à divinis, *c. Non est cit. ibi, Nulla divina officia permittatis aliquatenus celebrari* ; eùm à diversis illatio legitima non sit, *l. Inter 23. §. 5. ibi, Sed hac dissimilia sunt, ff. de V. O.* Contrarium tamen valde probabile censent *cit. Suarez f. 2. n. 14. & Laiman. n. 2.* Quinto, sepultura seu depositio cadaveris cuiusque fidelis etiam laici defuncti in loco sacro sine Officio funebri tempore cessationis à divinis (non etiam interdicti) concessa est ; quia officii divini, tempore cessationis prohibiti, nomen sepulturam in loco sacro non comprehendit, *cit. Suarez n. 13. Laiman n. 4. & Pirrhing ad hanc Rubr. n. 262.*

122. Est autem Interdictum aliud Locale, aliud Personale, ut colligitur ex *c. Si sententia 16. & c. Si civitas 17. in 6.* quorum illud immediatè afficit locum ; ne in eo divina celebrentur vel audiantur : mediatè autem personas quascunque, tam incolas quàm extraneas, quæ in eo divinis assistere eaque participare prohibentur ob alicujus culpam ; istud sive personale immediatè afficit personas, quæ à divinis in quocunque loco celebrandis & audiendò participandis prohibentur, Addunt DD. aliqui nec malè interdictum

Mixtum ; quod immediatè afficit loca & personas v.g. civitatem & ejus incolas.

Rursus Interdictum aliud Generale ^{123.} est & aliud Particulare. Generale, si Locale, tota provincia, civitas vel oppidum : si Personale, totus populus hujusmodi loci vel territorii seu districtus, vel aliqua universitas v.g. Collegium aut Capitulum : Particulari, si Locale, unus vel plura loca determinata, v.g. certa Ecclesia parochialis vel alicujus Monasterii ; si Personale est, una vel plures certæ personæ, communitatem non constituentes, v.g. quæ Ecclesiæ pastorem vel loci rectorem interfecerunt, effregerunt Ecclesiam &c. afficiuntur. Quæ omnia, si interdicti Ecclesiastici effectus omnes habent, Totalia : si verò unum tantum alterumve ejus effectum habent, ut v.g. à sola celebratione Missæ, Sacramenti alicujus perceptione, Ecclesiæ ingressu impediunt, Partialia nuncupantur, *cit. Navarrus à n. 164. Suarez Disp. 32. à n. 1. Laiman. cap. 1. n. 2. Palao Tract. 29. Disp. 5. p. 1. à n. 2. & Pirrhing ad hanc Rubr. à n. 216.* Ex his interdictis

Primo, Locali generali supposita ^{124.} civitate, interdicta etiam censentur suburbia & ædificia continentia, *c. Si civitas 17. in 6.* sive ædificia, sacella, cœmeteria extra civitatis muros sita : neque solum ei contigua, sed etiam separata, ita tamen propinqua ; ut civitatis vel oppidi incolæ ad divina audienda vel celebranda ad ea se conferre commodè possint, *Franc. in c. cit. n. 6.* Simili modò, ^{125.} si interdicto locali Ecclesia particularis v.g. Parochialis supponatur, sacella quoque adhærentia cum contiguo, ad eamque pertinente cœmeterio interdicta censentur, *c. cit. V. Ratione quoque.* Quod statuendi ratio fuit partim ; quòd hujusmodi ædificia civitati accessoria ; ac proinde locus sit *Reg. Accessorium 42. in 6.* partim

partim verò; ne populò, à civitate ad suburbia transeunte, interdictum facile eludatur & contemnatur, *c. cit.* laudati Suarez *f. 2. n. 25. & 27.* Laiman, *n. 2. Palao p. 2. §. 1. n. 1. & Pirrhing n. 225.*

126. An, interdicta civitate vel diocesi, etiam Ecclesia Cathedralis; & interdicta Diocesi, etiam civitas interdicta censetur, non convenit inter DD. eorum enim interdictorum utroque Ecclesiam Cathedralis comprehendi, Covarruv. *cit. §. 1. n. 4.* & Diocesis interdictò civitatem affici, Bonacina *Disp. 5. de Interdicto p. 1. n. 11.* negant. Sed melius diocesis interdictò civitatem comprehendi, & utriusque interdictò Ecclesiam Cathedralis affici, docent *cit.* Suarez *f. 2. n. 21.* & Palao *§. 1. n. 3. & 4.* quòd, si non ista quoque comprehenderetur, interdictum facile eluderetur & insuper haberetur, contra *c. Si civitas cit.*

Neque adverfatur; quòd Ecclesiae nomen in odiosis non comprehendat Cathedralis, *c. Quamvis 4. de Præbend. in 6.* quia, præterquam, quòd hoc textu de Ecclesiae, non de civitatis & diocesis nominibus sermo sit, *c. cit.* dispositionem ultra rescripta ad beneficia & ad casus specialiter non expressos non extendendam, clarè insinuatur verbis *Quam Ecclesiam Cathedralis propter ipsius honorum sub hac,* civitatis vel diocesis, verborum generalitate hoc casu nolumus includi: quibus *c. cit.* dispositio ad literas beneficiale restringitur; & in aliis materiis nominibus *Ecclesiarum civitatis vel diocesis Cathedralis* quoque comprehendendi, insinuatur: quòd paulò antè exprimebatur verbis *Quamquam sub nomine Ecclesiarum civitatis & diocesis comprehendatur aliàs Ecclesia Cathedralis.* Unde argumentò à speciali ad oppositum ductò *c. cit.* dispositio militat pro nostra do-

ctrina, ut probè observant DD. *cit.*

Secundò, idem interdictum Locale, 127. tam alicujus civitatis vel oppidi generale, quàm particulare, unius vel plurium Ecclesiarum, observare tenentur omnes incolæ & exteri, tam Seculares quàm Regulares, exempti & non exempti, qui speciali privilegiò super eo non sunt muniti, *c. Auctoritate 4. & c. Licet 10. pr. de Privileg. in 6.* Ratio est; quia talis interdicti prohibitio est privatio divinorum non tam facta personis, quàm loco, Sayrus *de Censur. Lib. 5. cap. 3. à n. 28.* & Palao *cit. §. 1. n. 7.* Specialiter autem tali interdictò generali afficiuntur, qui ei causà dederunt; tales enim personaliter interdicti sunt; ut neque in illo loco ob suam causam interdictò, neque in alio divina participare possint, ut ex *c. Si sententia 16. in 6.* desumunt Sylvester *V. Interdictum 2. n. 7.* Suarez *Disp. 37. f. 1. n. 15.* & aliis relatis Barbosa *in c. cit. n. 3.*

Tertiò, interdictò generali Personali Populi, omnes ejus cives & concives, in suburbis & locis continentibus civitatis comunitatis vel collegii, etià absentes & innocentes, & omnia ejus membra afficiuntur, *c. Si sententia 16. in 6.* Tale tamen interdictum respectu innocentium non habet rationem poenæ propriè dictæ, sed tantum damni, quò absque sua culpa aliquando afficiuntur etiam innocentes, Covarruvias *cit. §. 1. à n. 6.* Suarez *Disp. 36. f. 3. à n. 2.* & Barbosa *in c. cit. n. 4.*

Excipiuntur tamen, & tali interdictò personali, cui causam non dederunt, non afficiuntur Primò, Episcopi etiam confirmati, licet nondum consecrati; hi enim, utque superiores Prælati, cum propter Pontificalis officii reverentiam: tum propter utilitatem subditorum nullam, tam interdicti quàm suspensionis, sententià afficiuntur: nisi in ea expressa ipso-
rum men-

128.

rum mentio fiat, ex Constitutione Bonifacii VIII. c. *Quia periculosum* 4. in 6. Secundò clerus; quia in sententia interdicti, sicut clerici nomine non veniunt laici, sic Populi nomine Clerici & Religiosi non intelliguntur, c. *Si sententia* 16. in 6. Tertio, infantes & amentes; quia tales propter defectum usus rationis legibus non adstringuntur, juxta dicta *Lib. 1. tit. 2. n. 99.* Tempore tamen interdicti in loco sacro sepeliri etiam ipsi nequeunt, aliquando ratione loci, interdicto suppositi: aliquando ratione personarum interdictarum, quæ ipsos quoque sepulturâ Ecclesiasticâ tumulari prohibent, *citt. Sylvester n. 18. Covarruv. §. 4. n. 5. & Bonacina p. 1. n. 22.* Quarto, viatores & peregrini, per locum interdictum transeunt: uti & per notabilem anni partem, sicut aliquando mercatores & studiosi, in eo manentes; quòd propriè non sint pars populi seu communitatis, *citt. Navarr. n. 167. Suarez Disp. 32. §. 2. n. 5. & Bonacina n. 20.* Quintò, etiam incolæ in alium locum transferentes domicilium; istò enim alibi constitutò, sicut esse desinunt pars populi suppositi interdicto, sic ab isto eximuntur, *Palao cit. p. 2. §. 2. n. 5.*

129. Eòdem Populi interdictò loca quoque sive Ecclesias ejus populi interdictas, vult Covarruvias §. 1. *citt. n. 7. ne*, si in ejus Ecclesiis clerici divina officia aperitis januis & pulsatis campanis peragant, interdictum eludatur. Sed hoc leve est; quia divinorum in ejusmodi Ecclesia celebrationi assistere populus non potest, nec debet permitti: & si per vim vellet, clericis à divinorum celebratione recedendum potius esset, quàm cum aliorum fidelium scandalo interdicto populo ad peccatum cooperandum. Quare interdictò populi ejusmodi Ecclesias comprehendendi, cum Navarro *citt. cap. 27. n.*

167. & aliis meritò negant Coninck *Disp. 17. n. 20. & Palao cit. §. 2. n. 11.* quòd interdicto generali Personali Locale includi, jure nuspam sit expressum.

Quartò, interdictò Cleri, si non exprimentur, Religiosi non comprehenduntur, ut contra *citt. Navarrum n. 167. Covarruviam §. 1. n. 8. & Suarez n. 13.* cum Sylvestro *V. Interdictum 2. n. 19.* verisimiliùs defendunt *citt. Laiman. cap. 4. n. 3. Bonacina n. 14. Palao §. 2. n. 9. & alii ab hoc relati;* quòd sint homines statùs à clericis diversi. Aliud esset, si interdicto supponerentur omnes personæ Ecclesiasticæ; tali enim procul dubiò gratiam Religiosi, tanquam personæ Ecclesiasticæ jurisdictioni subjectæ, afficerentur.

Neque istos etiam Clericorum nomine in proposita materia comprehendendi, evincitur ex c. *Si sententia cit.* quòd istius *primè.* communitas in Populum & Clerum dividatur; ac proinde Religiosi, cum sint membra communitatis, & non veniant nomine Populi, Cleri nomine debeant comprehendendi: partim; quia c. *cit.* dispositione communitatis divisionem reddere, & omnia ejus membra concludere, Papæ propositum fuisse, non exprimitur: sed solummodo declaratur, Populum Cleri, & hunc illius nomine non comprehendendi: partim verò, quia licet in favorabilibus, sicut clerus, sic istius nomine etiam Religiosi intelligantur: in pœnalibus tamen & odiosis, sicut Clerus Populi, sic illius nomine non veniunt Religiosi, Panormit. *in c. 1. Ne cler. vel monach. n. 7. Belletus Disquis. Cleric. p. 1. Tit. de Disciplina §. 2. n. 26. & Barbosa in Appellat. Juris V. Clerici, n. 7.*

Quintò, interdictò alicujus Ecclesiæ clerò, non eò ipsò talis Ecclesia interdicta censetur; ut proinde id non obstat, quò minus in tali Ecclesia divina celebrare alii

re alii clerici, eaque audire laici possint, Glossa in c. Si sententia cit. V. In clericum, Covarruvias cit. §. 1. n. 7. & Barbosa in c. cit. n. 7.

131. Porro Interdicti Totalis tres sunt effectus. Primus privatio administrationis & receptionis Sacramentorum, præterquam in casibus jure expressis & permissis, c. Responso 43. c. Si sententia cit. & c. fin. in 6. Jure autem exceptus est

132. Primò Baptismus, qui tempore interdicti quibuscunque parvulis, c. Non est vobis, & c. Quod in re, cit. & adultis etiam, tam sanis quam infirmis (etiam à persona interdicta, si alia commodè haberi nequeat) etiam Ecclesiæ januis apertis, cum consueta solennitate Catechismi, Exorcismi, Unctionis Olei & Chriftimatis conferri potest, c. Quoniam 19. in 6. quod concessum est propter periculum animæ; licet enim adultus non solò fluminis, sive aquæ, sed etiam flaminis Baptismo, scilicet per actum contritionis perfectæ & amoris Dei super omnia salvari absolutè valeat, Ecclesiæ tamen tanquam pia mater hominis nondum baptizati, interdicti, alteriusve censuræ Ecclesiasticæ adhuc incapax, salutem constituere noluit in eo discrimine; ut non aliter, quam perfectæ Contritionis auxillio salvari posset: neque etiam uberiori gratiâ & plenâ remissione omnis culpæ ac pœnæ, ex hujus Sacramenti receptione proveniente, cum privare, Suarez Disp. 33. f. 1. n. 2. & Pirrhing ad banc Rubr. n. 228.

133. Secundò, Confirmatio: cujus Sacramentum tempore interdicti Localis cujuscunque, & personis etiam generaliter duntaxat interdictis eum consueta solennitate ministrari, & ad Sacramentum hoc necessarium Chriftma in die Cœnæ Domini confici permittitur, c. Responso & c. Quoniam cit. quod, licet Confirma-

tio ad salutem non ita necessaria, ut Baptismus, istius tamen quasi complementum & accessorium sit; ut propterea eam in hoc eodem Jure, quò Baptismus, Ecclesiæ voluerit ceteri, arg. Reg. Accessorium 42. in 6. Sylvester V. Interdictum 5. n. 9. cit. Covarr. p. 2. §. 2. n. 7. Suarez n. 7. & Laiman, cap. 2. n. 1. Dixi Generaliter; quia interdicti specialiter, sicut &, qui ejus censuræ causam dederunt, hoc Sacramentum recipere ante præstitam satisfactionem non possunt, ut ex c. Alma cit. cum Suarez n. 9. desumit cit. Bonacina p. 3. n. 4.

Tertiò, Pœnitentia: cujus Sacramentum veteri solùm moribundis & peregrinis, c. Quod in re cit. novò autem Jure fidelibus quibuscunque, etiam sanis, tempore & in loco etiam interdicto ministrari potest, c. Alma cit. dummodo interdicto causam non dederint, ideòque interdicti vel excommunicati non sint; tales enim, si absolutionem consequi velint, præmittere ei debent satisfactionem pro delicto: vel, si eam exhibere non possint, de exhibenda præstare cautionem pignoratitiam, fidejussoriam, aut saltem juratoriam, c. cit. Suarez Disp. 33. f. 1. n. 7. Laiman. n. 1. §. Tertio, & Barbosa in c. Alma cit. n. 4.

Quartò, Eucharistia: quæ tempore interdicti Localis & Personalis generalis in probabili mortis periculo, ex infirmitatis, difficilis partus, condemnationis, imminenti prælii aut alia simili causa proveniente, constitutis per modum Viatici ministrari permittitur c. Quid in re cit. & c. Permittimus 57. hic: Quæ tamen, cum ægris aut aliis extra Ecclesiam ministranda est, ad eos cum debita solennitate, scilicet comitatu fidelium, accensis candelis, sonantibus cymbalis deferri, si potest, debet, arg. c. Sanè 10. de Celebr. Miss. eique, si persona re-

sona reficienda specialiter interdicta sit, satisfactio, de eive exhibenda cautio præmitti, *c. Alma cit. cit.* Navarrus *n. 179.* Covarruvias *§. 2. n. 7.* Suarez *Disp. 33. f. 1. n. 24.* Laiman, *n. 1. §. Tertio,* quibuscum Pirrhing *n. 232.* rectè monet, extra mortis articulum & periculum constitutorum fidelium nemini SS. Euchari- stiam ministrari tempore interdicti posse: nisi super ejus receptione speciali privilegio sit munitus: sicut ferè sunt Religiosi & Moniales, Compend. Privileg. *S. I. V. Interdictum, & Communicare.*

136. Cætera Sacramenta, licet non excepta, & propterea tempore interdicti omnino prohibita videantur, *arg. c. Si sententia & c. Alma cit.* Permissa tamen imprimis est extrema Unctio ex speciali privilegio Religiosis Mendicantibus & aliis, qui cum ipsis in privilegiis communicant, Compend. Privileg. *S. 1. & FF. Minor. V. Extrema unctio,* & probabilis etiam infirmo, qui nullum aliud Sacramentum recipere possit ex præsumpta voluntate Ecclesie, istius Sacramenti generalem prohibitionem ad hunc casum non extendentis; quòd aliquò modò necessarium videatur, *cit. Palao p. 4. §. 1. n. 20.* & Pirrhing *n. 234.* Deinde casu magnæ necessitatis & penuriæ necessarium Ecclesie ministrorum etiam Ordines clericis aliquibus non specialiter interdictis conferri tempore interdicti posse, cum Panormit. *in c. Non est cit. n. 8.* & Sylvestro *V. Interdictum §. n. 9.* vult idem Pirrhing censet *n. 235.* Demum matrimonialem contractum personis specialiter non interdictis, sed absque benedictionibus nuptialibus, permissum *Lib. 4. tit. 16. n. 23.* est dictum.

137. Alter interdicti effectus est privatio Officii divini, *c. Permittimus & c. Si sententia cit.* sive functionum & actionum spiritualium, quæ primò & per se anse-

xæ sunt alicui Ordini sacro, quæque ex Christi aut Ecclesie institutione solis clericis permittuntur: ut sunt sacrificia Missæ, benedictio Templi, Fontis, Ramorum in Dominica Palmarum, Cereorum in die Purificationis, Nuptiarum, Sacrorum vasorum, vestium, aquæ & rerum aliarum, quæ autoritate & nomine Ecclesie à sacerdotibus fiunt: publicæ recitationes horarum Canonicarum, Litaniarum cum solenni processione, & generatim quarumcunque solennium orationum ac deprecationum. *Publica,* inquam; quia privata recitatio horarum Canonicarum, Psalmorum Gradualium ac Penitentialium, Officii B. Virginis, Litanerarii, aliarumque Orationum, benedictio & gratiarum actio ad mensam, recitatio trium Ave Maria & similium precatationum ad pullationem campanarum &c. tempore interdicti non prohibentur: uti nec Conciones; quòd hæ non ad Deum orandum vel deprecandum, sed ad populum Christianum instruendum, abstinendum à vitiis, ad virtutem, Dei ac SS. cultum excitandum, ordinentur, *cit. Navarrus n. 176.* Suarez *Disp. 34. f. 3. à n. 1.* Laiman, *n. 2.* & Bonacina *p. 4. à n. 1.*

Hæc tamen divinorum Officiorum **139.** ita generalis prohibitio cum tempore sic restricta est; ut hodie tempore interdicti generalis (non etiã particularis) à loci Ecclesie ministris Missarum solennia celebrati semel in hebdomade valeant causa conficiendi SS. Corpus Christi pro infirmis, ex concessione Gregorii IX. *c. Permittimus 57.* & ex Constitutione Bonifacii VIII. *c. Alma 24. in 6.* singulis diebus in Ecclesiis & Monasteriis Missæ celebrari & alia officia divina, sicut extra tempus interdicti, à clericis aliisque personis Ecclesiasticis dici possint, quatuor tamen conditionibus observatis; ut scilicet id

licet id fiat Primò, *Non pulsatis campana* pro convocacione cleri & populi ad Missas aliàque divina participanda & tintinnabulis ad *Santus* & S. Hostie elevationem: licet ad futuræ concionis, salutationis Angelicæ & delationis SS. Sacramenti ad infirmum & cætera, quæ officium divinum non sunt, campanâ vel cymbalis signa dari, non prohibeantur, *citt. Sylvester V. Interdictum* 5. n. 7. Covarruvias p. 2. §. 4. n. 5. Suarez *Disp.* 34. f. 2. n. 19. & Palao *citt.* p. 4. §. 2. n. 14. Secundò, *Submissâ voce*, hoc est, absque solenni cantu, organis &c. ut, qui extra Ecclesiam sunt, audire non possint. Tertio, *Januis clausis*; ut, licet fideles ad Missam & divina audienda Ecclesiam valeant ingredi, extra eam tamen existentes videre nequeant, quæ in ea peragantur, ut colligitur ex *Clement. 1.* ubi Religiosi redarguuntur; quòd interdicti tempore in Ecclesiarum suarum januis foramina & fenestras facere præsumpserint. Quarto, excommunicatis & interdictis personaliter, iisque, qui interdicto causam dederunt, exclusis, *citt. Suarez f. 1. n. 28. & Pirrhing n. 239.*

Præterea idem Bonifacius Papa *e. Alma cit. V. In festivitibus*, concessit; ut in quatuor festivitibus Natalis Domini, Paschæ, Pentecostes & Assumptionis Virginis gloriosæ propter earum solennitatem reverentiam interdictum, à primis Vesperis usque ad Completorium inclusivè, suspendatur & Missæ sacrificium aliàque divina cum omni solennitate celebrari possint: sic tamen; ut excommunicati ab iis omnino excludantur: specialiter autem interdicti &, qui interdicto causam dederunt, altari v.g. oblationem faciendò non appropinquent. Quæ interdicti suspensio à Martino V. & Eugenio IV. ad Festum & totam Octavam SS. Corporis Christi extensa est, te-

ste Suarez *citt. f. 1. n. 4. & aliis apud Pirrhing cit. n. 246.*

Tertius effectus est privatio sepul- 140.
turæ Ecclesiasticæ; ut, si interdictum Locale, fidelium quorumcumque, etiam infantium & amentium defunctorum cadavera in Ecclesia aliòve loco interdicto: si autem Personale sit, in quocumque etiam non interdicto loco sacro tumulari, quamdiu censura durat, non possint, *e. Quod in te cit. c. Cum & plantare* 3. §. Quod si, *c. Ut privilegia* 24. de Privileg. *c. Episcoporum* 8. eadè Rubr. in 6. & *Clement. 1. de Sepult.* Interdictò tamen sublato in prophano tumulatorum cadavera exhumanda, & ad sacrum locum transferenda, monent *citt. Navarrus n. 176. Laiman. cap. 2. n. 3. & Pirrhing n. 241.*

Excipiuntur tamen personæ Eccle- 141.
siasticæ & clericalibus privilegiis gaudentes quæcumque: quibus decedentibus, si non specialiter interdictæ, neque huic censuræ dederunt causam: illudque actione aliquâ v.g. divini officii illicitâ celebratione non violârunt, sepultura Ecclesiastica in coemeterio & ipsa etiam Ecclesiâ interdictâ non denegatur: dummodo in silentio sive absque campanæ pulsatione, officio divinò more Ecclesiasticò dicendò, & aliis solennitatibus sepeliantur, *e. Quod in te cit.* qui textus, licet loquatur de Generali, Speciale tamen interdictum probabiliter non excludit; quia mentionem generalis facit potius; quòd hoc frequentius sit: quàm; ut ad id dispositio restringatur, ut cum Hostiensis & Panormit. *in c. cit. n. 10.* advertunt *citt. Sylvester n. 10. Covarruvias §. 2. n. 7. & Palao p. 4. §. 3. n. 5.*

Excipiuntur etiam post Concilium Constantiense, & interdictò etiam personali durante, cum pœnitentia decedentium laicorum, tam specialiter quàm generaliter interdictorum, eorum etiam, qui in-

qui interdictio causam dederunt, cada-
vera in loco sacro non interdictio tumu-
lari possunt: nisi eorum personæ inter-
dictæ fuerint specialiter & nominatim:
generaliter autem interdictæ saltem sub
nomine populi vel communitatis sint de-
nuntiatae, sic; ut tales viventes ante de-
nuntiationem non repellantur ab officiis
divinis, quæ in loco non interdictio cele-
brantur; quia in Concilio illo à Marti-
no V. edita Extravag. *ad evitanda*, se-
pultura Ecclesiastica ex vi alicujus cen-
suræ nemini denegatur; nisi prius censura
illa fuerit denunciata, vel persona impo-
nitens decesserit, *citt. Navarrus n. 187.*
Suarez Disp. 33. f. 3. à n. 2. & Palao
n. 10.

142. Violationem interdicti, tanquam
prohibitionis Ecclesiasticæ in materia gra-
vi transgressionem, in Ecclesiasticis præ-
fertim graviter ex genere suo plerumque
peccaminosam esse, communis sensus est
DD. Unde ejus violatores clerici gravibus
pœnis obnoxii sunt, Primò enim Per-
sonale vel Locale sacrificii Missæ aut divi-
norum officiorum celebratione vel alteri-
us actus sacro Ordini annexi exercitiò
violantes contrahunt irregularitatem, *c.*
1. c. Is qui 18. §. fin. & c. Is cui 20. in 6.

143. Secundo, ab interdicti violatore suspen-
sionem ab officio; ac proinde à jurisdic-
tione incurri, ex *c. fin. de Excess. Præ-
lat.* cum Glossa *V. Irritas & Panormit.*
n. 1. desumunt *citt. Covarruvias p. 2.*
§. 5. n. 2. Suarez Disp. 34. f. 4. n. 16. &
Laiman. cap. 3. n. 3. quod c. cit. interdi-
ctum temerè violantis sententia & acta

144. omnia irrita declarentur. Verùm, quia
sententia & acta illa notoriè iniqua, &
Episcopi fuerunt, qui non solum inter-
dictus ipse erat, sed ad interdicti Apo-
stolici violationem alios inducere, imò
compellere, maximà temeritate præsu-
mebat, ex ejus actorum irritatione quo-

rumcunque interdicti violatorum suspen-
sio Jure lata legitime non inferitur: eos.
que ab officio ac beneficio suspendendos
per sententiam, melius colligitur ex *c.*
cit. dispositione altera, alios interdicti
violatores spectante, in eosque hanc pœ-
nam decernente, ut rectè notant cit.
Bonacina p. 7. n. 4. & Gonzalez in c. cit.
n. 2. Tertio, iidem clerici ejus viola-
tores non gaudent privilegio, vi cujus
in loco sacro sepeliri possint tempore in-
terdicti, per text. c. Is cui cit. & arg. à
contrario v. Quod in te cit. Laiman. n.
3. cit. Quarto, Clericus & Religiosus,
temerè violans interdictum Locale, inha-
bilis est ad electionem; ut ad dignita-
tem Ecclesiasticam non solum eligi vel
postulari, c. 1. de Postulat. sed iustia-
gium etiam in electione vel postulatione
ferre non possit, c. Is qui cit. §. fin. ubi
Glossa V. Ineligibilis, Sylvester V. In-
terdictum 6. n. 2. & Suarez cit. f. 4. n.
16. Quintò, quicumque etiam exem-
pri in Ecclesiis suis (cum moderatione c.
Alma cit.) non observantes interdictum
generale Locale (uti & Cessationis à di-
vinis) quod in Cathedrali & Parochiali-
bus Ecclesiis servari sciunt, ultra dictas
pœnas incurunt excommunicationem,
latam Clement. 1. cit. Navarrus cap. 27.
n. 146. Sylvester n. 3. Suarez n. 18. &
Laiman. n. 3.

Laicis istius censuræ violatoribus 145.
pœnæ Jure inflictæ non reperiuntur; præ-
terquam si clericis in loco interdictio pub-
licè & solenniter celebrare compellant,
vel pulsatis campanis, præconis voce &c.
ad divina in loco interdictio audienda con-
vocare: aut; ne publicè excommunicatos
aut interdictos nominatim, ut ex Ecclesiis
ad clericorum monitionem exeant, im-
pedire præsumant, vel ipsimet ita monitè
exire renuant, aut divinis violenter se in-
gerant; his enim casibus ipsò factò in-
currunt

cessunt excommunicationem, sedis Apostolicae absolutioni reservatam, quæ lata est *Clement. Gravi 2. hic, cit.* Suarez *disp. 22. f. 4. n. 27.* Laiman *n. 3. in fine* & Pirrhing *n. 245.*

146. Sicut suspensio, sic & interdictum Ecclesiasticum latum pro certo tempore vel sub conditione, v.g. donec satisfactio præstetur, illò lapsò, aut illà impletà, absque alia relaxatione cessare, cum Glossa *in c. Non est cit. V. Donec* & Panormit. *n. 7.* docent laudati Sylvester *V. Interdictum 3. n. 13.* Covarruvias *p. 1. §. 11. n. 8.* & Suarez *Disp. 38. f. 1. n. 3.* Ante tempus illud finitum vel conditionem impletam, ut interdictum tollatur, opus est dispensatione vel absolutione, præstanda ab ejus auctore, successore vel superiore, ut ex communi eorundem & aliorum DD. sensu rectè monet Palao *disp. 5. cit. p. 7. §. 2. n. 2.*

147. Simili ferè modò interdictum cessare sine alia relaxatione potest, si tollatur ejus subjectum, v.g. si Ecclesia interdicta sine spe reedificationis destruat, vel dissolvatur & omnino extinguatur communitas vel collegium, quod ei suppositum fuit: etiamsi personæ aliqua, quæ id constituerunt, & interdictò causam non dederunt, super sint; quia interdictum communitatis singulas personas non ligat: nisi quatenus sunt communitatis pars, aut in-

terdictò dederunt causam, *cit.* Suarez *n. 13.* & Palao *§. 2. n. 3.*

Interdictum Locale quodcumque, & Personale generale, per modum propriè dictæ censure ob contumaciam à Jure impositum & non reservatum, contumacià cessante, indiget relaxatione Papæ, Episcopi vel alterius, habentis jurisdictionem quasi Episcopalem in locum vel populum aut communitatem ei suppositam, *arg. c. Nuper cit.* Idem relaxare etiam possunt Jure latum & non reservatum interdictum Personale particulare, *arg. c. cit.* à quo poenitentes absolvi ex privilegio Apostolico valent plerique Mendicantes, & generaliter omnes, qui ex privilegio potestatem habent absolviendi ab omnibus censuris, ut cum *cit.* Laiman. docet *cit.* Pirrhing *n. 252.* Ab eadem interdicti personalis Jure impositi perinde, ut ab excommunicationis non reservatæ, censura poenitentes absolvi possunt parochi & alii confessarii approbatè & expositi, ut *arg. c. Nuper cit.* docent *cit.* Suarez *Disp. 38. f. 8. n. 7.* Laiman. *n. 2.* Bonacina *p. ult. n. 6.* & Palao *§. 2. n. 7.* Si autem interdictum ab homine per sententiam specialem impositum sit, per absolutionem à solo ejus auctore, successore & superiore tolli potest, ut cum Sylvestro *V. Interdictum 3. n. 16.* & aliis docet *cit.* Suarez *f. 2. n. 12.*

